

靈寶頓教濟度金書卷之一百三十四 四

一百三十五同卷

洞微高士開光教苦真人等金書授

靈寶通玄教水南先生林靈真編

科儀立成品師交命過齋用

晚朝行道誦經儀

燒香頌

各禮師存念如法

衛靈呪

五星高耀 瑞炁飛浮 元始集神 天地交周

玉符寶節 齋命微幽 擲火揚威 奸凶無留

萬魔振伏 紛葩卻消 摧怪伐惡 道炁同流

神光照夜 陰翳俱收 萬仙降格 扇景乘颺

群生咸遂 惠遍神州 與道合真

无上三天玄元始三炁太上道君召出臣身

中三五功曹左右官使者侍香金童傳言玉

女五帝直符直日香官各三十二人出出者

嚴裝關啓玄壇天帝神君當召此間土地里

域真官正神急上關啓臣奉為宣意以今

晚朝升壇行道燒香誦經願得玉清道炁靈寶妙光下降流入臣等身中今臣所啓所奏速達徑御

太上无極大道至真玉皇上帝御前

謹稱法位

具位臣等與臨壇官眾等謹同誠上啓

虛無自然元始天尊无極大道太上道君太上老君高上玉皇十方已得道天聖眾至真

諸君大人三十二天帝君王虛上帝玉帝大帝東華南極西靈北真玄都玉京金闕七寶

瓊臺紫微上宮靈寶至真明皇道君三十六部尊經玄中大法師上相上宰上保上傳太

平下教二十四真人西城總真王君太元真人東嶽上卿司命茅君定錄保命二真人名

山洞府得道真仙三界官屬一切真靈臣聞

三洞開光耀玄雲於三極九華散景流紫炁於九坡清虛騰霧翠之方碧落燦珠之象

巍巍大梵落落高張是為玄妙之文實乃希夷之典臣等粉榆末學逢草微生雨露承恩

敢昭宣於帝載雷霆煥命願曲賜於皇靈今

有詞文謹當宣奏

宣詞

按如詞旨極切於哀故三洞弟子其精進求真辛勤學道建齋醮而禳魔殲未究奇勳飛章表而策置圖莫圓妙義處老時光之存每

每隨世路之崎嶇幽夜倏罹乘晨難返臣等痛師往矣以父事之同學則云道無異學沐

本同源痛切肺肝合舉悼亡之典哀榮心替願修追遠之儀爰潔塵居聿崇楓陛八鸞暢

波降紫極之真尊九鳳翼轅路清微之元聖借盈尺地露方寸天願垂遷拔之仁為溥提

携之造俾故三洞弟子其登名南上削過北都普萬國以均沾合三靈而共被以今落景

晚朝升壇行道誦經運茲初捨上香願此香煙騰空逕上供養

无上至真道寶臣等皈身皈神皈命首體投地願以是功德上祝

皇帝陛下伏願車書萬里夷夏一宗天錫聰明坐朝章而底治神資聖武提野俗以登真茅社洗洗椒庭侃侃今故燒香自皈依

師尊大聖眾至真之德得道之後保天長存
和與道合真

以今晚朝升壇誦經行道運茲三檢上香
願此香煙騰空逕上供養

无上至真經寶臣等皈身皈神皈命首體投

地願以是捨香功德歸流師尹與枝蒞政臨
民伏願魚貫佐時蟬聯體國黃樓紫蓋證大
合以修文朱絃金章肅萬邦而偃武里無妖
域野絕遺蝗今故燒香自皈依
師尊大聖眾至真之德得道之後升入無形

和與道合真
以今晚朝升壇誦經行道運茲三檢上香

願此香煙騰空逕上供養
无上至真師寶臣等皈身皈神皈命首體投

地願以是功德歸流四方九野萬姓兆民伏

願仁照覆盆化成擊壤雲騰隴畝野無鷓鴣
之憂月滿郊源里有鷄豚之樂金穰應運玉

燭宣和今故燒香自皈依

師尊大聖眾至真之德得道之後長享自然
和與道合真

舉七真讚第一首歸位

臣聞上無復祖超三極以包羅中有度人集
萬真而枝錄仰玄元之巨澤沛靈寶之弘功
欲藉提携敢忘修誦以今謹率見前清眾升
壇轉誦太上洞玄靈寶无量上品妙經人各
一卷專為亡故三洞弟子其消除多劫以來
故作誤為宿罪重過所犯上方無極世界一
切玄曹悉祈赦宥仍乞開度上方無邊真識
同遂超升清眾運誠平坐如法

平坐讚 靜念如法

開經 誦經 經畢

度人无量天尊 結經

仰惟三寶高尊十華上聖曲回鑒映克副傾
投臣向來祗率清眾轉誦太上洞玄靈寶无
量度人上品妙經人各一過專為故三洞弟
子其消除所犯上方多劫罪咎善及上方幽
奧靈識咸希清靜獲遂周圓伏願帝闕垂慈
天關流惠羅敷鳳篆救宿過以雲收浩蕩龍
恩收寸黜而雷動式塞空都之境面朝明皇
之尊為如上緣請聖作證念

大安產第九首詣上方

禮方 方儀 啓神王

其上啓上方无極飛天神王長生大聖無量
度人君恭望真慈曲映俯鑒微衷一如浮黎
法會之時不忘元始付祝之訓特遣上方飛
天使者下降玄壇承領符命下告所司開度
故三洞弟子其溥及上方幽真靈識上登仙
都所有真符謹當告下

告符 宣闌

焚簡頌

七真讚第七首歸位

臣聞上無復祖超三極以包羅中有度人集
萬真而枝錄仰玄元之巨澤沛靈寶之弘功
欲藉提携敢忘修誦以今謹率見前清眾升
壇轉誦太上洞玄靈寶无量上品妙經人各
一卷專為亡故三洞弟子其消除多劫以來
故作誤為宿罪重過所犯下方無極世界一
切玄曹悉祈赦宥仍乞開度下方無邊真識
同遂超升清眾運誠平坐如法

平坐讚 靜念如法

開經 誦經 經畢

度人无量天尊 結經

仰惟三寶高尊十華上聖曲回鑒映克副傾
投臣向來祇率清衆轉誦太上洞玄靈寶无
量度人上品妙經人各一過專為故三洞弟

子并消除所犯下方多劫罪咎普及下方幽
奧靈識咸希清靜獲遂周圓伏願梵炁垂慈
靈光流惠寬三尺法過已削於北酆收八百
勳功頓超於南上式冥水運之境面朝洞神
之尊為如上錄請聖作證念

大玄虛第十首詣下方

禮方 十方總懺儀

臣等今故燒香皈身皈神皈命十方无極太
上靈寶天尊梵炁天君十鄉神仙諸靈官懺
悔亡故某人爰從無始逮至今生三業不除
六情自恣五官搶擾八識昏迷輕慢科條浮
好道德是非顛倒善惡紛紜五臘三元多違
禁戒四時八節易缺朝修仙品未充帝恩莫
際致使運應滅度身經太陰莫測升沉善為
懺悔以今修齋設醮行香誦經首過雪愆祈

恩請福无量之罪並乞赦原亡故某人悟玄
機圓明自性復還治職入玄玄高步天衢
永無輪轉得道之後升入無形和與道合真

啓神王

其上啓下方无極飛天神王長生大聖無量

度人君恭望真慈曲映俯鑒微衷一如浮黎
法會之時不忘元始付祝之訓特遣下方飛
天使者下降玄壇承頒符命下告所司開度
故三洞弟子某海及下方幽真靈識上登仙
都所有真符謹當告下

告符 官關

焚簡頌

七真讚第八首詣三寶前

臣與臨壇官衆等爐炁寶香重伸供奉
空無自然元始天尊无極大道太上道君太
上老君高上玉皇十方已得道天聖衆至真
諸君丈人三十二天帝君玉虛上帝玉帝大
帝東華南極西靈北真玄都玉京金闕七寶
瓊臺紫微上官靈寶至真明皇道君三十六
部尊經玄中大法師上相上宰上傳太

平下教二十四真人西城總真玉君太元真
人東嶽上卿司命茅君定錄係命二真人名
山洞府得道真仙三界官屬一切真靈臣聞
二章演真超苦海之慈航三篇敷玄靈氣衛
之慧燭隱韻空歌於萬聖靈音嘯朗於諸天

靈寶固建大法橋無文不度玄元道出群迷
徑有感斯通故功德以難勝有禱祥之可異
巍巍莫極蕩蕩難名凡據真切之忱實賴提
携之造臣向來奉為故三洞弟子某崇建師
友命過行香誦經道場看誦太上洞玄靈寶

无量度人上品妙經莫不澄心滄性滌慮清
神啓紫陽玉匱之條攝齋嘯味遵丹禁金函
之律縮衽誦誦經聲朗振於十天願力容周
於三界人各十過彰十轉回靈之功經演一
乘表一致同歸之效以茲功德奉為故三洞
弟子某削落夙過洗滌前愆南丹紀學道之
勳更生受化北轡刊返真之垢起死升仙永
無輪轉之憂帝享太平之運福單後嗣慶及
宗枝稽首皈依无極大道

三閱經

重稱法位

具位臣某恭焚寶香重誠奏啓

虛無自然元始天尊玉宸大道靈寶天尊混元皇帝道德天尊十方无極太上靈寶天尊三寶丈人三寶帝君五方五老上帝三十二天上帝木公尊神金母元君上聖高尊諸天真衆太陽太陰五星道君圭冪紀名落死上生大魁五斗星君護魂侍魄養炁通血中主五帝真君諸天丞相南昌上官韓司主錄監生大神度人不死尊神南極長生大君度世司馬大神好生韓君丈人南上司命司錄延壽益算度厄尊神回骸起死无量度人君玄中大法師三天大法師天真皇人妙行真人玄一三真人太極太虛真人太極左官仙翁仲應真君三界五帝太魔王十方无極飛天神王長生大聖无量度人君飛天真人飛天使者飛龍騎史玄都紫微上官侍經玉郎玉童玉女神仙靈官靈寶經籍度三師真君名山洞府領教真仙三十二天玉童玉女功曹使者直符香官領仙監齋諸君申靈寶玄壇

香官使者左右龍虎君三界直符使者四直玉文功曹玄壇內外一切威靈臣等夙慶彼鍾昌期欣際駒陰暗老徒窺肘後之丹章緝轍自慚莫淪眼中之紅瑤虛負承宣之寄未全化育之功天宇春融幸逃厥曠城位秋凜莫遂升遷期五體以對揚庶百身而肩荷故三洞弟子某蒙恩罔極惟師是依同奉派宗之異唯喏真常慮名掛於九霄而跡迷於五濁三惑飄蕩其志氣內喪天和七情顛頓其精神外令人偽誠莫彈於奉對志惟慢於設施將吏弗臨神靈靡佑致功賒於五帝而過犯於三官難逭天威苟逃鬼責自非顛天而請命何由悔過以祈恩肆演冲科齊幸嚴於懺謝爰結同志經庸演於勤修伏願上帝哀憐元皇矜憫察其修具學道志非惡死以貪生憐其勞心苦神性惟濟生而度死救除積過紀錄微功為紀宇於東華即受書於南上永辭塵世得為種民蒙監映於丹忱允昭宣於洪貺上願二極平寧三辰朗晏陰陽順序風雨均調瑞露凝甘卿雲耀彩鳥獸魚鼈而

咸若動植滋生山川鬼神以攸寧願微安泰寒庭息苦夜壑停酸則上明天尊大慈之化下副臣等皈命之誠謹啓以聞

發願

復壚

出堂頌

回靜默

謝師尊

舉回向

靈寶領教濟度金書卷之一百三十四